

tus est nec sibi deerit. Deus eum custodiat.
 Eidem commendo te, conjugem & liberos,
 quos ubi omnes meos hospites in visero,
 audiam preces pias recitantes. Iterum
 Vale Basilea 11. Junii 1589.

EPISTOLA LIX.

S Mi carissime D. Compater, etsi mihi per-
 suadeo de tuo candore, non serio te de
 me nuper, in causa Scherbii questum, quasi
 non admodum memor sim vestri: & quæ ad
 rationes, quas illi objeceram iussus, sive abs
 te sive ab alio, ita responsa fuere, ut (præfer-
 tim in odiosa collatione) mens non ita fuerit
 nec sit comparata: Tibi tamen & Amico &
 Compatri hæc perpendenda proponere ne-
 cesse habeo. Anne tibi is ἐλαφρία uti vi-
 deatur, qui superiore tempore amore vestri
 ductus, hortator fuit Scherbio, ut ad vos
 quam primum accederet: qui superiore an-
 no Heydelbergam vocatum rogavit, ut in
 statu apud vos perseveraret: nunc tandem
 in publico luctu hujus scholæ assentiatur iis,
 qui huc revocandum ducunt, moti iis ratio-
 nibus, quæ tibi notæ sunt, & quarum illa de
 Zwingeri judicio, vobis non potest δύσπιστος
 videri.